

痘科類編 卷四

痘科類編釋意卷之四

革集

痘症變態多端疹則收斂稍易然疹之甚者凶危亦不
少減于痘况疹者痘之末疾故翟氏于痘症之後附馬
氏疹科纂要疹子之名惟北直稱之吾浙杭諸郡曰瘡
浙西嘉禾與江左蘇松曰沙子江右湖廣曰麻山陝曰
膚瘡糠瘡名雖不同其症則一但疹在痘前者痘後必
復疹惟痘後者方爲結局

約齋補

附疹科纂要

目錄

麻疹通論 一

麻疹證治大畧 二

麻疹潮熱症治 三

麻疹出後傷風 四

麻疹汗渴飲水 五

麻疹出後煩躁 六

麻疹出後譫語 七

麻疹出後喘嗽 八

麻疹喉痛失音 九

麻疹嘔吐腹痛 十

麻疹出後泄瀉 十一

麻疹出後痢疾 十二

麻疹出後便血 十三

麻疹飲食瘡毒 十四

麻疹後蓋痘疹 十五

疫癘發癩夾疹 十六

傷寒發癩癰疹 十七

孕婦麻疹發癩 十八

痘水痘症治十九意卷之四章集
附聶久吾治疹大法經野堂

附麻疹四忌二十一
附高士宗論治疹二十二

益都翟良定
武林約雅齋
重鐫

疹科纂要

麻疹通論

大嬰兒麻疹固與痘瘡大不相同亦與癩疹癰疹並不相
同蓋麻疹亦屬胎毒乃係六腑蘊蓄積熱發自脾肺二經
以受風寒或傷飲食時氣感觸煽動心火燔燥肺金肺主
皮毛故其邪發于皮膚之上出為細疹遍身沾沾

麻疹出後發熱治

麻疹出後傷風

麻疹汗渴飲水

麻疹出後煩躁

麻疹出後露語

麻疹出後喘嗽

麻疹喉痛失音

麻疹喉吐腹痛

麻疹出後泄瀉

麻疹出後痢疾

麻疹出後嘔血

麻疹出後發熱

州叔參四忌

州高士宗簡前參

水壺壺命

州聶八音命參大裁

二十一

二十二

十六

二十

痘科類編釋意卷之四

革集

綠野堂

邯山馬之騏纂

武林約齋爾定裴經校訂重鐫

益都翟良定

疹科纂要

麻疹通論

一

夫嬰兒麻疹固與痘瘡大不相同亦與癩疹癰疹並不相同蓋麻疹亦屬胎毒乃係六腑蘊蓄積熱發自脾肺二經或受風寒或傷飲食時氣感觸煽動心火燔爍肺金肺主皮毛故其邪發于皮膚之上出爲細疹徧身點點紅色甚

則疊腫有小顆粒隨出隨沒沒則又出俗名糠瘡又曰麩瘡其症初發熱時畧類風寒其實大異亦與痘症相似但痘瘡自裏而出于五臟臟屬陰其病本深難出難收故有形有漿麻疹自表而出于六腑腑屬陽其病本淺易出易收故有形無漿然多實熱無寒又有戰慄似寒者乃熱極生陰反作寒狀耳切不可作寒症治之雖較痘瘡爲易然倏忽變化其症急速自初出一二日以及愈後月餘虛者百日皆不可以其易而忽也經曰痘前疹後信哉

若初生嬰兒未及滿月或百日內外或未生痘瘡之先徧

身發出紅點如粟米狀滿月內外名爲爛衣瘡百日內外及未生痘瘡之先名爲瘙疹蓋兒在母腹中爲陰血之氣薰蒸已久生後忽遇陽風一逼遂發此疹不治自愈

若痘瘡愈後起居不節飲食過度外感風寒痘愈數日之後身忽畧熱徧身卽出紅點大小不一亦如粟米之狀作癢愈抓愈盛如雲成片名爲雲頭疹又名蓋痘疹非真疹也勿以爲真疹而畏之

若天行疫病大人小兒感之大便秘結熱氣流于胃中忽發紅瘰隱于皮膚之內有色點而無顆粒如蚊蚤之迹錦

紋之狀者無頭且平名曰發癩其症有陽毒陰毒之殊總皆熱毒所致非真疹也不可與疹同治無顆粒係陽明之癩法當清解誤用發散如火上澆油熱勢外烈多致枯焦紫黑而死

若感冒時氣頗類傷寒俗名紅眼汗病係心火爍乎肺金紅點隱于皮膚之間發則多癢或不仁者是有風濕之殊色紅者火也亦皆熱毒所致其症多屬于脾狀隱隱然故名曰癩疹非真疹也亦不可與疹同治

麻疹症治大畧 二

麻疹爲實熱之症屬在于肺其發也多因風熱兼痰而作浮于皮膚有小顆粒隨出隨沒沒則又出故雖值寒天亦不可重加衣被而過于熱恐毒入咽喉令其聲啞麻疹不出致有變症爲害不小治療之法宜清肺火降痰主乎解散惟以發表出透爲妙汗之卽愈亦有可下者但忌認作傷寒妄汗妄下汗之則增其熱爲鼻衄爲欬血爲口瘡咽痛爲目赤痛爲煩躁爲大小便不通下之則虛其裏爲滑泄爲滯下多致不救慎之慎之故初熱時先宜發散次清

利次清熱次補血蓋發散則風熱解清利則肺金清清熱則心火瀉免致金受火尅則症自輕然麻疹屬陽熱甚則陰分受損血多虛耗必宜滋養陰血此首尾所以當瀉心火清肺金散風熱滋陰血爲主不可少動其氣宜通聖散一百九

一中消息用之如人參白朮半夏一切燥悍之藥皆不可用卽升麻升動陽氣上冲亦不可多用蓋麻疹標屬陰而本屬陽也蓋麻疹未愈輕用溫熱燥悍之劑多致牙齦腫爛雖氣血虛弱亦必待麻疹愈後方用補虛養血調理脾胃之藥斯乃萬無一失不則毒氣壅遏頓生奇禍不可

麻疹潮熱症治 三

麻疹初發時畧類傷寒而又迥異也蓋其憎寒壯熱頭痛
臉赤目赤額紅身體疼痛此畧類也至于火熱太盛多咳
嗽噴嚏鼻流清涕眼光如水眼胞浮腫眼角生眵眼淚汪
汪惡心乾嘔恒欲飲水或痰涎吐瀉不思飲食大便急而
小便澁則皆熱之所致爲迥異耳然有熱一二日而出者
有發熱五六日而出者或有發熱七八日而出者症候未
明疑似之際但覺潮熱卽宜升麻葛根湯 二 加紫蘇葱白
一根煎服或參蘇飲 三 去人參半夏陳皮腹痛仍用陳皮

加砂仁煎服被蓋微表之得汗自頭至足方漸漸減去衣被則皮膚通暢腠理開豁自無留毒而疹易出矣若有未出亦不可再表

既表之後卽宜謹避風寒勿食生冷戒忌酒肉雞魚一切腥葷等物如外犯風寒內傷腥冷輕則癢疹生痰嗽成驚搐重則皮毛閉塞毒氣難出遂變紫黑而死矣

如食酒肉雞魚腥葷等物則毒入脾胃必主麻疹後生瘡癩下流大腸爲泄瀉自痢等症流入小腸則小水赤澁爲血痢等症俗謂白痢屬冷血痢屬熱者非也戒之戒之

麻疹未出時發熱吐瀉交作三日內出耳後項上腰腿先
出一日出三次二日再出三次見點紅活顯露形小明淨
頂尖不長隨出隨沒三四日方收者順症也不治自愈

麻未出時發熱乾霍亂身體極熱欲出不出隱伏皮內發
不透快者險也宜升麻葛根湯二大寒加麻黃即出

麻未出時發熱喘促者險宜三拗湯百五加煨過石膏茶

葉名五虎湯治之

麻未出時發熱面先青黑乃毒氣攻心者逆宜內托散百五

六 消毒湯百五以解之不然則必死

身體極熱隱伏不出或帶紫色不明或不突起與肉一平
或一二日就沒喘嗽下痢者逆速宜解表急則用麻黃湯
百五 以發之胡荽酒 四十
八 以擦之緩則用升麻葛根湯 二
加石膏黃芩以解之

麻疹正出時身猶大熱宜升麻葛根湯 二 加黃芩地骨皮

治之若以手摹之疹色白起手即紅者血虛宜養榮湯 百五

九 主之

正出色紅者火盛宜化癍湯 百六 主之或人參白虎湯 七

六

色紫赤乾灰燥暗大渴飲水不止乃火盛毒熾宜六一散

二百解之或四物湯九去地黃加紅花黃芩進之或黃連

麥門冬湯百亦可大熱不退加柴胡黃芩升麻葛根牛蒡

子元參

色紫黑乃內外熱甚而血結者逆必須急速解表宜麥冬

湯一百生地黃散百六升麻葛根湯二或荆防敗毒散八

加梔子仁或雙解散十有痰加杏仁無汗加麻黃若其色

變黑者宜黃連杏仁湯百六主之或山梔子湯百六化癍

湯百六速解治之緩則不及矣故曰初發赤白者生黑紫

者死蓋赤疹屬陽遇清冷而消白疹屬陰遇溫煖而滅故
皆可生若所發黑紫者內熱甚而血結生機將絕速就前
法解治死中求活者也

麻疹已出時其疹色正而身猶大熱宜升麻葛根湯二白

虎湯

又百六十

倍加牛蒡子元參

既出已過三日不能沒落乃內有虛熱宜四物湯九治之

又如有失血之症加犀角汁解之

麻疹已沒落身猶大熱宜升麻葛根湯二加黃連地骨皮

治之

麻疹已沒落別無他症但餘熱不除宜黃連解毒湯百六

調益元散二百治之

麻疹收平數日之後猶有餘熱未盡復再發熱日夜不退

每夜煩躁譫語狂亂失血且多驚搐重出一番麻疹比前

畧少此乃心血耗散餘毒熱甚先治失血急用犀角地黃

湯百三解毒湯二百一劑再用四物湯九加遠志肉三分

甘草二分服一劑而血止若譫語狂亂驚搐再煎五苓散

七調辰砂益元散二百一錢服之諸症自無凡遇此症血

實者易治血虛者難治總之麻疹前後燒熱不退飲食不

進等症并屬血虛血熱宜四物湯

九

按症加減滋陰補血

渴加麥門冬犀角汁嗽加括萋仁痰加貝母橘紅內多實
熱宜四物湯加苓連防風連翹涼其中以退其陽

凡汗出不透燒熱不退倍加紫蘇葉葛根白芷等藥助之
當得大汗去病如掃

蓋麻疹屬陽陰血被其煎耗作熱故以滋陰補血為主其
熱自除所謂養陰退陽之義也

麻疹出沒傷風 四

當發表後麻疹正出之時偶遇大風大寒或內傷生冷令

麻疹隱隱于皮膚之內時有時無欲出不出如物影之搖

動謂之影疹急宜升麻葛根湯 二 化癰湯 百六 或活血散

百六 治之其影疹不日即出如小便不通熱甚宜四苓散

五 加梔子木通若不急治則皮膚閉塞毒氣壅滯或一片

六 白一片紅一片紫喘滿脹痛反覆變亂危亡立至

如出一日而沒乃為風寒所襲忽然沒落急宜消毒飲 百六

九 治之若不急治毒氣內攻癢爛而死

既見三日退後若有被風之症亦宜消毒飲

百六十九

神效

麻疹退後不可當風苟見風太早一腫即消必體瘦肌黃

恐防目病致生麻風瘡如有麻風瘡宜大連翹飲

八

加牛

葶子防風金銀花爛處敷生肌散

六一 附方

麻疹汗渴飲水 五

麻疹得汗爲妙固不可無汗亦不可過于汗如初熱時未曾用藥發表自然多汗遍身流出如水此則腠理開泄內毒盡從汗出順症也不必再用表藥亦不可驟止如汗出太多不止乃毒盛致液妄行宜用五倍子三錢爲末唾津調爲餅敷貼臍上其汗卽止

麻疹之症猶如傷寒熱病未有不作渴者傷寒發渴得水而生麻疹發渴亦可飲水但不可過多如麻疹渴時只宜常服蔥白湯或以穀麤糠用滾水溲淋候溫飲之稍涼亦

可使毛竅中嘗有微汗潤澤其疹自出自無發搐之症或

以烏梅一兩熬水二鍾入井水中浸涼每用一盞攪涼水

一盞徐徐飲之如熱不退渴不止宜服化癩湯百六數劑

亦不妨渴止熱減住服或人參白虎湯七其渴即止大熱

不退作渴人參白虎湯主之不可飲水過多恐生水搐之

病蓋熱極而渴者心也水既入心傳于脾為嘔吐瀉利脾

傷水五苓散七主之傳于肺為喘為嗽肺傷水清肺散百

十加白丑末少許主之傳于腎為小便不利為陰囊浮腫

傳于肝為脇痛為筋軟為膨脹肝與腎傷水亦用五苓散

加木通車前子以泄膀胱之水則肝腎之病除矣

此方治心火上升主心火上升下泄水

此方治心火上升主心火上升下泄水

此方治心火上升主心火上升下泄水

此方治心火上升主心火上升下泄水

此方治心火上升主心火上升下泄水

此方治心火上升主心火上升下泄水

此方治心火上升主心火上升下泄水

此方治心火上升主心火上升下泄水

麻疹出沒煩躁 六

未出煩躁宜升麻葛根湯

二加紫蘇蔥白一根

已出煩躁宜黃連解毒湯

百六加白虎湯 又百六十

沒落煩躁宜黃連解毒湯加麥冬地骨皮

麻疹出沒譫語 七

初出實熱火盛譫語宜升麻葛根湯加調辰砂益元散

三

已出譫語宜黃連解毒湯調辰砂益元散

譫語熱甚昏迷不省人事宜黃連解毒湯 百六

沒落譫語者凶宜燈心湯調辰砂益元散

麻疹出沒喘嗽 八

未出咳嗽宜升麻葛根湯加麻黃

若發熱咳嗽二五日不出者以胡荽酒三四擦之或炒胡荽子以薄

綿包裹乘熱熨身上即出矣

已出咳嗽宜涼膈散百七加桔梗地骨皮

若已出三四日之間發熱咳嗽聲音不出乃火毒在肺與

胃中急宜用涼水調服兒茶散百六數次火退聲音即出

再服清金降火湯自愈百七

若咳嗽痰吐不出發散後宜括萋仁黃連枳實甘草煎服

之

沒落咳嗽宜涼膈散

百七

加桔梗地骨皮五味子

總之麻疹前後咳嗽皆係疹毒不可輕視宜服參蘇飲

三

瀉白散

百七

或防風通聖散

百九

皆可選用若久嗽頓成

疹後風瘡或令咽喉出血急宜服麥門冬清肺飲

百七

若

不急治傷及脾胃胸高腹脹喘急滿悶唇面清白紅紫枯

黯顏色不正口鼻出血則難治矣故麻疹退後須謹避風

寒慎戒水濕忌食雞魚鵝鴨不則終身咳嗽患風瘡傷眼

目無有愈日切宜戒之

麻疹喉痛失音 九

麻疹咽喉腫痛宜甘桔湯 六 加元參痛甚再加射干鼠粘

子或桔梗湯 百七 或以冷水磨山豆根服之勿作喉痺治

之妄用針刺

麻疹聲啞無音宜桔梗湯加荆芥防風元參或見茶散 百六

七 或以冷水磨訶子服之

麻疹沒後聲啞不出宜清金降火湯 百七

若沒落八九日聲啞無音宜見茶散 百六 服之即愈

麻疹嘔吐腹痛 十

麻疹嘔吐五苓散

七

去桂加化癍湯

百六

主之夏月五苓

散去桂加黃連滑石乾嘔五苓散加竹茹腹悶五苓散去

桂加紫蘇香附熱盛腹痛宜去桂五苓散調益元散

二百三二

或水磨山查子服之大抵疹家吐利滯下宜于疹家各條
下求之不可作吐利滯下而治失其本也

麻疹出沒泄瀉

十一

初出未出泄瀉宜升麻葛根湯

二

加五苓散

七

去桂

若夏月去桂五苓散調益元散服之

已出泄瀉宜黃連解毒湯

百六

加去桂五苓散或人參白

虎湯

七最妙

沒落後泄瀉宜黃連解毒湯加導赤散

百一

總之麻疹吐瀉乃火邪內迫純是熱症莫作寒論宜四苓

散

六

加牛蒡子訶子切不可溫候用豆蔻木香乾薑之類

又須分別新久寒熱新瀉熱瀉宜四苓散

六

加木通熱極

瀉清黃水宜黃連解毒湯

百六

合五苓散

七

治之水瀉黃

白宜五苓散加減瀉黃去桂加木瓜瀉白吐乳宜同蘇合

丸

百七

治之泄瀉米穀不化傷食者宜四苓散

六

加消導

藥惟久瀉方宜豆蔻丸

二

或五倍子鶯粟壳燒灰水調澀

之寒瀉者十中無一如有傷食生冷不得已以理中湯

五

一服即止

凡泄瀉宜用苦溫苦寒之藥以治之不可用參芪等甘溫之藥必瀉止後脾胃虛弱方可用參芪等藥以補之

麻疹出沒痢疾 十二

麻疹出時痢謂之夾疹痢宜黃連解毒湯百六加枳殼白

芍

沒落後痢赤白宜黃芩湯百七黃連解毒湯等劑治之

沒落後多食油膩厚味致令久痢不已此因積膩所傷餘毒

留在大腸不可速止宜先清利其毒而後補之先用大黃

黃連枳殼檳榔以疏利之或用三黃湯百八一加檳榔枳

殼同煎調益元散二百服之可愈若妄投澀藥一服即止

則內毒上攻令其嘔吐不食禁口不語二三日毒攻大腸

或下鮮血或下如屋漏豆汁遂成不治之症矣

[Faint bleed-through text from the reverse side of the page, including characters like 血, 下, 鮮, 血, 或, 下, 如, 屋, 漏, 豆, 汁, 遂, 成, 不, 治, 之, 症, 矣.]

知本山房藏本

十二

麻疹出沒便血 十三

麻疹發熱時鼻血此毒從鼻血而解不可驟然即止如血出太多是火毒熾盛逼迫太過致血妄行宜當歸六黃湯

百八一劑愈

初出鼻口出血宜升麻葛根湯 二 加炒梔子仁

已出鼻口出血宜黃連解毒湯 百六 加梔子仁童便

沒落後鼻口出血宜涼膈散 百七 加梔子仁生地黄童便

沒落後牙齦腐爛鼻血橫流並為失血之症宜急用四物

湯 九 加山梔茵陳木通犀角之類以利小便使血下行外

用獨棗丹

百八

治之不可緩視

麻疹初出大便出血宜升麻葛根湯加犀角地黄湯

百三十

治之

小便溺赤宜升麻葛根湯加木通

已出及沒大便出血宜黃連解毒湯加犀角地黄湯治之

已出及沒小便溺赤宜黃連解毒湯加木通

沒落後溺赤及如泄瀉者宜五苓散七加車前子木通五

總之麻疹心火未散發為嗽血吐血衄血失血下血或傷

眼目俱宜犀角地黄湯

百三十

主之

若失血於發表熱毒不得出內攻五臟眼角耳中出血不止大便出血不止者逆宜急用升麻葛根湯加當歸六黃湯百八治之可救一二

凡痰嗽失血以及大人酒色過度損傷肺腎真陽咳嗽吐痰衄血吐血咳血咯血等症宜服苦寒甘寒之藥以生血降火勿用參芪等甘溫之劑

麻疹飲食瘡毒 十四

麻疹正出時雖不大飲食但其色紅白潤澤者無妨蓋熱毒未解不食無害若數日不食止於飲水宜清胃養脾解毒為主毒退自然飲食如常用調中湯百八去藁本加黃連自利者減大黃胃弱者勿下沒落後不食宜四物湯九加神麩砂仁麥芽一二服自能食矣如胃氣虛勿下

麻疹忌食鵝鴨卵如犯傷且忌食薑椒熱物如犯胃火上觸口舌生瘡宜人中白炒過爲末少許摻之卽愈忌食甘甜如犯致生牙疳宜獨棗湯百八擦之

疹前後縱意多食甘甜之物濕熱動虫爲走馬牙疳穿腮落齒或面頰浮腫環口青黑唇崩鼻壞及胃爛臭氣疔瘡色白者皆不治逆症

麻疹愈後牙齦潰爛肉腐出血臭氣冲人皆因疹後未服解毒清利之劑以致餘毒遊熱不退積于皮膚入于胃中久而不散故發此症宜清胃散百八涼膈散百七獨棗丹

百八四等劑治之以退胃火可無大患唇口多瘡而極癢一

似傷寒狐惑之病若不急治上下唇俱爲虫蝕腐爛以及昏悶失聲遂爲不治之症宜急用化虫丸百八治之雄黃

散 百八 擦之亦可愈

疹夾丹毒宜涼膈散

百七

加當歸生地黃

麻疹沒後生瘡疥及眼目疾宜黃連解毒湯

百六

加減用

之

痘瘡後蓋痘疹 十五

痘瘡愈後數日之間內傷飲食外感風寒身忽燒熱發出
蓋痘疹如雲成片一名雲頭疹雖不與真疹同治宜三仙
散百七 再加防風黃連消積食除風熱以免瀉痢之患

疫病發癩夾癩

十六

天行疫病大便秘結熱毒入胃忽發紅疹隱于皮膚無粒

且平名爲發癩若身熱作渴宜白虎湯

又百六十

加大青元參

一劑而愈

麻疹正出忽發紅點者名爲夾癩宜小柴胡湯

七

加當歸

生地黃

傷寒發癩癧疹 十七

此癩疹症卽今俗謂傷寒穀黍之症又謂紅眼傷寒之症
有色點而無顆粒者曰發癩隱于皮膚發則多癢曰癧疹
屬風熱夾痰而作其發類傷寒乃痰熱之病症之發于外
者也亦有自裏而發于外者其症有陽毒陰毒之不同陽
毒脉浮數洪大內外結熱極深面赤擾亂舌捲焦黑鼻若
烟煤四肢煩躁狂言譫語如見鬼神下利頻多不安發點
癩爛名爲陽毒陰毒脉沉細疾實眼痛唇口青黑咽喉不
利身體沉重背強不能轉四肢厥冷毒氣攻心小腹急痛

乾嘔身發癰點名爲陰毒濕毒總皆熱毒所致或瘟病下
之太蚤熱氣乘虛入胃或下之太遲熱氣鬱積胃中或誤
服熱藥過多胃氣熱甚及內傷熱症虛火灼于脾肺之間
皆發紅癰是爲癰疹亦皆熱毒之所致也

至于丹疹最是惡候熱血蘊毒遇君相二火合起卽發
亦有時疫腫毒咽喉堵塞亦臟腑積熱之所致大約初發
赤癰者多生初發黑癰者多死丹疹先從四肢起而後入
腹者死

六脉洪大者陽毒也宜汗而解之如失汗則邪傳入臟毒

熱在裏不散致狂亂妄語如見鬼神面赤四肢煩躁發出
癰爛下痢瘀血又加遍身自汗口如魚口開張者死若能
過七日則過經陽熱退方有可救之理

六脉沉細而疾者陰毒也體重眼痛小腹急痛唇口青黑
四肢厥冷咽喉不利宜速灸臍下丹田關元穴以回陽氣
陰氣自散若過六日乃陰極陽生方可望生

其治療之法無間大人小兒黑癰紅癰瘡瘍癰疹並宜防

風通聖散

百九

爲未調服之或以通聖散

百九

中消息用

之宜微汗以散之切不可下或以化癰湯

百六

升麻葛根

湯二元參升麻湯三百九通加羌活防風荆芥桂枝芍藥隨

宜酌用合上諸方煎服外用黃瓜水調伏龍肝去紅點癩

發癩風熱夾痰而作自內發外者宜通聖散百九以微汗

散之

發癩似傷寒者痰熱之病發于外宜升麻葛根湯以微汗

散之

發癩有屬裏者因胃熱助手少陽火入于手太陰肺故紅

點如癩出于皮毛間宜白虎湯又百瀉心散百九調胃散

十百九承氣湯六百九從長選用之

內傷發癰者胃氣極虛一身之火遊行于外所致宜補以

降之於陰症例中求之或調中湯百九陽毒宜陽毒升麻

湯百九梔子仁湯百九

傷寒時氣陽毒發癰胃實之人誤服熱劑或加以風熱暑

氣宜陽毒升麻湯百九

胃爛發癰因陽明胃實或失下或下之太蚤所致宜化癰

湯百六石膏湯二

陰毒濕毒宜黃連橋皮湯二調中湯百九升麻鱉甲湯

二黑膏二

傷寒時氣濕毒發癩宜元參升麻湯百九 重用荆防敗毒

散八
五

時氣發癩宜石膏湯二
百

瘟疫發癩癰疹痛癢宜大清四物湯二
百 加味敗毒散二
百

五 犀角消毒散二
百 解毒防風湯二
百 加味羌活散二
百

消風散二
百 葛根橘皮湯二
百

丹疹如遇熱時宜通聖散百
九 辛涼之劑解之寒月以升

麻葛根湯辛溫之劑解之

冷丹屬血風血熱宜通聖散若痰血相搏宜用蟬蛻僵蠶

荊芥南星以治之時疫癰毒疔瘡或臟腑積熱發于頭項
咽喉填塞水漿不下或面赤熱甚六脉洪浮宜漏蘆湯二
十加升麻黃芩大黃各一錢大青葉卽大元參各二錢煎
服

乳孩因胎毒兩腋生癩後腹脹發赤疹如霞成片者取剪
刀草春汁調原蠶砂敷之卽愈

凡傷寒時氣大病熱退之後先服參芪甘溫之藥以扶元
氣隨卽服滋血生津潤燥之藥以上二類本不宜註治法
但恐與疹相混不厭詳耳

孕婦麻疹發癩 十八

孕婦麻疹當以安胎清血為主宜四物湯九倍加白朮條

芩艾藥服之則胎無危而疹易出矣

疹出不快宜白虎湯又百六十合升麻葛根湯二倍加元參牛

蒴子治之

胎氣上冲急用苧根艾葉煎湯磨檳榔服之再以四物湯

九進之

熱甚胎氣不安服固胎飲二百十四數劑如又不愈腹痛腰酸

即知胎有必墮之機如胎已墮即以產法論治次用他症

藥胎雖動而婦可生蓋麻疹宜裏空熱毒隨胎氣而下也

水痘疹治 十九

水痘之症亦類傷寒之狀面赤唇紅眼光如水咳嗽噴嚏
唾涕稠粘身熱二三日而出明淨如水泡易出易靨與痘
瘡大不相同雖不為害亦不宜溫燥苟或溫之則痂難落
而成爛瘡亦不宜食薑豆生冷沐浴冷水恐成瘡疥水腫
始覺及出長宜服麥湯散

二百十七

附聶久吾治疹大法

麻疹初發熱欲出未出者宜用宣毒發表湯

按此方疏風開表清熱寬氣透毒無一味不萬分斟酌較之單用升麻葛根湯者力大而不猛用廣而不雜真妙方也業斯道者細心審之

升麻

粉葛根

各八分

防風

桔梗

各五分

荆芥

薄荷

甘草

各三分

牛蒡子

炒香研細

連翹

去心蒂研碎

前胡

枳殼

炒

木通

淡竹葉

各六分

天氣大熱加黃芩

炒八分

大寒加麻黃

八分

麻疹已出而紅腫太甚者宜用化毒清表湯

按此方固是瀉火抑陽養陰然仍兼疏表送毒之品者
謂勢雖熾盛只求外出蓋以疹家出盡則毒盡恐寒涼
太過水伏內攻也視純用黃連解毒湯合白虎湯者流
動活潑一派化機大有不同用者詳之

牛蒡子

炒香
研細

連翹

天花粉

地骨皮

黃連

黃芩

知母

山梔

炒

乾葛

元參

各八分

桔梗

前胡

木通

各六分

甘草

薄荷

防風

各三分

口渴加麥冬去心石膏煨研大便瀉加酒炒大黃一錢

分二

有毒氣流注而成痢者宜用清熱導滯湯

按此方泛泛視之調氣行血清熱不過滯下平劑耳自非心領神會默窺其微鮮有知其妙者此係清利麻疹餘毒之方而非尋常治痢之藥也以用牛蒡子連翹二味不同而群藥俱化疹用益疹屬本痢屬標治疹而痢自除經曰治病必求于本此方有焉誰謂方可易定哉

黃連

條芩

白芍

枳殼炒

山查肉 各一錢 厚朴 薑汁炒 青皮 檳榔 各六分

當歸 甘草 牛蒡子 連翹 各五分

紅多者加紅花 三分 地榆 五分 秘瀉甚者加酒炒

大黃 一錢二分

麻疹變態不亞痘瘡久吾止用三方誰不疑其疎于立

法乎不知方期對病欲其當不欲其繁繁則雜雜則惑

選擇為難而收功反寡譬之我有精兵三千可以當彼

疲師百萬不貴多也醫何異此觀上三方藥味有限妙

用無窮病機治法概括已盡此真扼要爭奇療疹之綱

領也後學莫以其簡而忽之合讀馬書條分縷析麻疹
一症思過半矣

一 慈恩寺半矣

此山餘學其以其商而公之合則思其為人

麻疹四忌

麻疹形如麻痘疹形如豆皆象其形而名之也麻痘俱胎毒而痘出五臟臟屬陰陰主閉藏其毒深而難散麻出六腑腑屬陽陽主發散其毒淺而易散臟陰多虛寒故痘可以溫補腑陽多實熱故麻宜解散然麻雖屬腑而熱毒之氣上蒸于肺肺主皮毛實受其毒是以發熱之初雖似傷寒而肺家見症獨多咳嗽噴嚏鼻流清涕眼胞腫眼淚汪汪面腫腮赤是也治之之法惟在宣發其毒以盡出之外雖紅腫之甚狀如漆瘡亦不足慮以其既發于外即可

免內攻不若痘瘡之必顧其收靨也此症若調治得法十可十全而調治失宜則殺人亦如反掌蓋麻症有所大忌病家犯其所忌則至于殺人醫家犯其所忌亦至于殺人也其所忌不同皆忌閉塞其毒不得發洩也今標四大忌于後令人勿犯也

一忌葷腥生冷風寒出麻疹時大忌食葷腥食生冷冒犯風寒皆能使皮膚閉塞毒氣抑鬱而內攻也

一忌驟用寒涼初發熱時最忌驟用寒涼以冰毒使毒氣抑遏不得出則成內攻之患而昔人謂天氣暄熱宜用辛

涼發之如黃連解毒湯之類不知天時暑熱之氣豈寒涼之藥所能解今驟用寒涼恐不足以解外熱適足以阻內熱使不得出也會見有一宦家艱子得一子甫一歲出麻發熱麻未見形而發搐醫誤認爲急驚而用涼藥攻之遂令麻毒隱隱在皮下不出後醫以滋陰爲主而用四物等藥亦不能救煩悶聲啞至旬日而死此可以知涼藥冰毒之爲害矣今因天熱而驟用寒涼豈理也哉

一忌多用辛熱初發熱時最忌多用辛熱以助毒如桂枝麻黃羌活之類能使毒壅蔽而不得出亦致內攻之患而

昔人爲天氣大寒宜用辛熱如桂枝湯之類發之不知天氣大寒只宜置之燠室謹避風寒可也且天氣雖寒而人身之熱毒未必減也而多用辛熱豈理也哉

一忌用補澁麻出之時多有自利不止者其毒亦因利而散此殊無妨如泄利過甚則以加味四苓散與之切忌用參朮訶薤補澁之藥重則令腹脹喘滿而不可救輕則變爲休息痢戒之戒之

附錄高士宗論治疹

嘗謂痘疹俱係胎毒而痘出五臟臟屬陰疹出六腑腑屬陽諸家治疹之法惟在宣發其毒以盡出之于外疹宜發散者以腑陽多實熱故耳然高士宗之論治疹也但調其經絡和其榮衛虛者補之寒者溫之寒涼攻發概不妄用也特附錄于左

巳巳春長男甫六歲次男甫三歲于元旦次日俱發熱見疹余不知疹之根源以爲嬰兒生下時口含惡血開聲嚔下其後發爲疹毒治疹自當攻發卽用清涼透發之劑服

之次朝畧增十餘點究不暢達心甚惶惑長男七月而生
先天怯薄問其胸膈寬否何如荅曰飢甚又問口味燥苦
何如荅曰淡甚因知其虛卽投芪朮苓甘桂枝紅花一二
劑次朝疹發徧身熱退而神情猶煩躁夜發熱頻咳嗽至
一月方安蓋因見點之初過服表劑虛其經絡故也次男
尚幼未省人事不能致問上冬患肺風痰喘症諸藥不效
服麻杏桂枝石膏湯一劑而痊謂其稟質畧強不與長男
同其疹不透必寒凝毒盛因與蘇麻前杏黃芩石膏藥紅
點不增又與紫蘇葱薑芫荽等熏之熨之疹總不出乃與

同道諸公商之俱云舍透法並無別法至五日而口吐蛔蟲兒醫曰此熱極蟲生余有牛黃散可與服之一服痰喘止而神氣稍平自是此兒遂無言矣計無可施復針百會穴開其瘖門服西黃分許及諸丹方觀其形症實不能生友人張衛生來望因曰此大虛大寒症也今既無言又不能食恐無濟矣然心猶不忍勉投參附含藥而亡因自嘆曰此庸醫現身食報天理當然自身行醫何尤于人因悔昔日所見之皆非益信治病求本之不謬次日有同居汪姓者出瘖已經三日見余際悲傷不邀眡自用前杏麻

黃石膏藥一二劑疹出念餘點不能再增心胸煩悶不得已而告予乞予診視予曰若再攻發卽如吾子矣急與芪朮芎歸桂苓紅花等服一劑而熱退身安余自此始悟疹之根源凡治疹但調其氣血和其經絡寒涼攻發概置之不用所以屢治而屢效也次年春一兒甫二歲出瘡已延醫診治攻發不透神情恍惚喘氣不寧又延予診視予往視之知其虛也因告主人曰若但發瘡瘡斷不出必致身命不保主人曰爲之柰何余曰惟有溫補藥一劑益其藏府安其腸胃助其氣血方可卽與芪朮薑桂歸芍苓甘銀

花紅花諸味一劑而安次日仍用原方加參一錢此後並
不服藥連服獨參湯數日霍然矣又有一兒出瘡其顏色
紫黯神氣不寧余曰此症大凶治須得法連看二次皆用
溫散藥次早來告曰口吐蛻虫另有藥否余因加附子八
分令入前藥內煎服得以漸愈余默歎但因死吾子得生
他人治疹之法可無憾矣因附載斯冊雖不能見信于兒
醫而正道闡明實有裨于兒科治疹之根源而爲有子出
瘡者所當致慎也夫

痘科類編釋意卷之四章集終

痘科類編釋意卷之四

木集

幼兒之病自痘疹外若驚疳吐瀉等症關係安危最重
今將聶久吾經驗調治得其竅妙者附刻痘書之後以
備選用慈幼者閱是編而幾乎全矣

附聶久吾幼兒雜病證治

目錄

急驚風 一

慢驚風 二

吐瀉 三

疳 四

腹痛 五

發熱 六

痢 七

痢疾用葱白湯調其瀉而然平全矣
 今耳通入香豉煎服其效妙各州以
 代其之煎自製之秋芥菜也高平
 探其藥性卷之四
 木聚

痘科類編釋意卷之四

木集

綠野堂

清江聶尚恒著

武林約齋爾定裴
經較訂重鐫

益都翟良定

幼兒雜病證治

急驚風 一 古謂之陽癇

急驚風之候身熱面赤搐搦上視牙關緊硬口鼻中氣熱痰涎潮壅忽然而發發過如舊有偶因驚嚇而發者有不因驚嚇而發者然多是身先有熱而後發驚搐未有身涼而發者也此陽證也蓋熱盛生痰痰盛生驚生風宜用涼

劑以除其熱而化其痰則驚風自除矣切不可用辛燥等
驅風藥反助心火而爲害也當其搐搦大作時但可扶持
不可把捉恐風痰流入經絡或至手足拘攣也又不可驚
惶失措輒用艾火灸之燈火燒之此陽症大不宜于火攻
曾見有火攻而壞事者矣戒之戒之此症雖急若從容服
清涼之劑調理自可平安不可聽信時醫峻用攻擊如巴
豆輕粉之類以取速效傷害不小古諺云急驚風慢慢醫
此雖邇近之言切當而可用也

急驚有八候不可不知搐搦掣顛反引窺視是也搐者兩

手伸縮搦者十指開合掣者勢如相撲顫者頭偏不正反者身仰向後引者臂若張弓竄者目直似怒視者睛露不活是謂八候也身仰向後卽所謂角弓反張也

又有一症欲出痘疹先身熱驚跳或發搐搦者此似驚風而非驚風也最宜辨認當服發散藥切不可誤作驚風治

清熱鎮驚湯

連翹

去心蒂
研碎

柴胡

地骨皮

龍胆草

鈎藤

黃連

山梔仁

炒黑

片苓

酒炒

麥門冬 去心

木通

赤茯苓

車前子

陳枳實

炒各四分

甘草

薄荷

各二分

滑石

研細末八分

燈心 一圓

淡竹葉 三片

水一茶鍾半煎至七分溫服兒小分作數次服

加味涼膈散

連翹

片苓

山梔仁

炒

枳實

炒

前胡 各五分

大黃

酒炒一錢

薄荷

甘草

各二分

水一鍾煎五分三歲以下者分二三次服之微利一二

次痰熱自退若已通利不必盡劑

宜風散 三卷七十七

四味和勻一歲以下服三分二歲以上服五分五歲以
上服七分俱用蜜湯調服微利一二次爲妙服前方而
痰熱未除者後二方隨用一方以微利之若前方已效
則後方不必用

慢驚風 二

古謂之陰癇

慢驚之候多因吐瀉或因久痢或因久瘧而得之身冷面
或白或黃不甚搐搦目微微上視口鼻中氣寒大小便清
白昏睡露睛筋脉拘攣俗謂之天弔風蓋由脾土虛極中
氣不足故寒痰壅盛而風動筋急也此陰症也亦危症也
急宜溫中補脾則風痰自退蓋治本卽所以治標全不必
治風治驚彼用蜈蚣全蝎辰砂牛黃等藥皆誤也益元散
抱龍丸牛黃丸蘇合丸等藥急驚還似可用若慢驚切不可
可與之誤用下咽卽斃矣

有所謂慢脾風者卽慢驚失治而甚者耳其實難大分別亦不必別立治法

溫中補脾湯

白木炒一錢二分製半夏七分蜜炙黃芪各八分人參各八分

白豆蔻仁研白茯苓研各五分乾薑研各五分砂仁研各五分

官桂研陳皮研甘草炙白芍酒炒各四分

覺虛寒甚者加熟附子五分

老生薑一片大棗一枚水二鐘煎八分溫服兒小者分數次服必得肢體溫和風除神爽方可止服遇此症服

此藥不至于遲緩過時其效如神立起回生矣而昔人謂慢驚爲九死一生之症何也得非調治錯誤而云然乎

慢驚因吐瀉而得者最多其病勢最危急一兒稟氣頗旺甫一歲時因脾胃受寒而泄小便不利有一幼科老醫召而治之用四苓散加木通車前以分利小便不效第二日加琥珀磨服又不效第三日又少加炒黃連服不知其泄原因感寒而服分利清涼藥太多遂致脾胃虛寒第三日不惟泄不止而又增嘔吐矣每飲乳輒吐至夜卽轉慢驚

目上視手微搐身冷昏睡予以錢氏益黃散與之纔投藥下咽卽吐因以茶匙每次只挑二三匙少停又挑與之然積至二三次又盡吐出舉家駭愕以爲吐不受藥不可如何危急甚矣予因思此必脾胃虛寒胸膈胃口壅有寒痰是以拒藥不受惟用辛熱或可以衝開之因用人參黃芪

白朮各一錢 乾薑白蔻砂仁各八分 官桂陳皮半夏炙甘茯苓

各六分 加薑棗濃煎以一酒盃驟灌之其藥下咽卽受而不

吐因漸漸連服此藥二劑而吐瀉立止驚搐等症悉除但

至次日眼皮猶不能舒因用前藥加熟附子四分再服一劑

而全愈矣予因此而知庸醫治此等病不知誤卻多少人自此遂不信時醫矣

急驚屬實熱宜用清涼慢驚屬虛寒宜用溫補二病若霄壤之相隔治法若冰炭之相反而諸方書多用一藥以治二病何其謬妄之甚也雖錢氏明戒之而諸家又明犯之著書立方者且然而又何責于時醫乎時醫之誤亦自有由蓋因二症俱有痰涎喘促遂先治痰喘而以一藥治二病耳若辨明寒熱標本一遇慢驚急急溫脾回陽何至以急驚藥施之慢驚病乎此處殺人甚多故表出之以示醫

家病家

治小兒驚風並退只是聲啞不能言并諸病後不能言

大天南星一個泡去皮臍爲末量兒大小每用二三分
或四五分用獾猪胆汁調成稀糊又用淡薑湯少許調
開食前服之卽能言

吐瀉 三

小兒吐瀉其證不一最宜詳審有因傷食吐瀉者有因感寒停食而吐瀉者夏月則有因伏暑吐瀉者傷食吐瀉者其吐有酸氣其瀉糞狀如糟粕亦有酸臭氣此宜消導之感寒停食而吐瀉者或食後感冒風寒則其食停滯不化或脾胃先受風寒而後飲食則其食亦停滯不化或飲食後誤食寒冷之物則其食亦停滯不化雖致病不同其爲感寒停食則一也此宜發散而兼消導然此吐瀉或多胸腹刺痛卽霍亂吐瀉是也治法亦同伏暑吐瀉者小水必

不利必兼煩渴當以暑治之吐甚者煎香薷散調

益散瀉元

甚者煎四苓散調益元散

二百三二

須斟酌用之然而吐瀉交

作最是小兒危症若其屢作不止則不論何因皆當用參

朮等急救胃氣不惟傷食停食者當急救之即伏暑者亦

當急救之蓋其初雖有暑氣而多吐多瀉之後則熱氣已

散而胃氣驟虛若不用溫補急救恐中氣頓絕則虛痰上

湧而須臾告變矣且多吐之後胃氣太虛氣不歸元而陽

浮于外反有面赤頭熱身熱作渴而似熱症者俗醫不知

其理誤認為熱而投以涼藥殺人如反掌甚可畏也故治

吐瀉而藥不中病者與其失之寒涼寧失之溫補失之溫補猶可救療失之寒涼下咽即斃其禍甚速多不及救也
加味平胃散 治傷食吐瀉

蒼朮 米泔水浸 厚朴 去皮薑汁炒 山查肉 各六分 陳皮 去白

青皮 麥芽 炒 香附米 炒 砂仁 研

小川芎 各四分 甘草 炙二分

生薑二片水鍾半煎至七分分二三次緩緩服

藿香和中湯 治感寒停食吐瀉

藿香

紫蘇

炒香附

製蒼朮

製厚朴

山查

小川芎各六分 羌活

砂仁

麥芽炒

白芷

陳皮去白各四分

炙甘草二分

生薑三片煎法服法同前

香薷散 以下二方伏暑吐瀉用

大花香薷

三錢

白扁豆

炒去殼打碎

製厚朴

各一錢

水煎候微溫調益元散二匙服

四苓散

赤茯苓

猪苓

澤瀉

各一錢二分

白朮

八分

木通

車前子

微炒各五分

水煎候微温調益元散二三匙服

錢氏白朮散

吐瀉已久虛火作渴者用此方

人參

白朮

白茯苓

炙甘草

乾葛

各五分

南木香

二分

老生薑一片水一鍾煎半鍾温服

參砂和胃散

嘔吐不止者宜此方

人參

砂仁

製半夏

各四分

白朮

炒

白茯苓

各五分

藿香

陳皮

炙甘草

各二分

水一鍾半煨薑三片去皮煎七分溫服

薑末湯

吐多而胃氣欲絕者用此安胃

老生薑一塊重一兩許煨熟去皮研爛用水一碗陳米

二撮同入瓦礮內煮清湯候溫用小酒盃少少漸服其

嘔自止

凡吐瀉交作者止吐為急吐而不瀉者治法俱同上

治小兒暑月水瀉小便赤澇或全不小便者

赤茯苓

猪苓

澤瀉

各一錢

木瓜

五分

白朮

六分

木通

八分

車前子

微炒四分

燈心一圓水二鍾煎至一鍾入塩少許令藥微有鹹味
飢時服之小便自利其瀉立止

小兒脾瀉其瀉每日只溏糞一二次然病由脾虛久而不
治多不可救宜參朮散加山藥炒扁豆治之

參朮散

白朮

用裏白無油者
東壁土炒一兩

人參

白茯苓

砂仁

炙甘草

蓮子

用家種者
去心炒

薏苡仁

揀淨
炒熟

真神麴

炒

山查肉

各五錢

肉豆蔻

麴裏煨
熟去油

訶子

煨取肉
去核

廣陳皮

洗淨去筋膜
晒乾各四錢

南木香

三錢

以上共爲極細末每服用二錢清米飲調食前溫服兒
有不肯服者入稀粥和服亦可

疳 四

小兒臟腑嬌嫩飽則易傷乳食不調甘肥無節則積滯而成疳是積者疳之本疳者積之標也蓋積鬱既久則生熱熱蒸既久則生蟲有熱有蟲而疳成矣熱盛蟲盛而諸惡症生焉則疳深而危矣善治者當其有積時卽用藥以消除之則熱自退而蟲不生則能治其本者也易爲力也及其既成疳也仍用莪朮三稜檳榔厚朴等藥以消積用川黃連胡黃連等藥以清熱用使君子蕪荑川棟蘆薈等藥以殺蟲此治本而兼治其標者也循此法而蚤治之未有

不得全安者也。但恐治之既晚而胸陷腹滿骨露齒張肌
硬目閉等症交作則元氣已脫雖盧扁復生難爲力矣。然
消積清熱殺蟲此古人治疳要法必用此先除其病然後
可以加補養此其次第也。近世治疳者雜用參朮訶蔻等
劑非其治也。蓋積疳之源雖由脾胃虛弱然當其有積有
疳時而投以補劑適足以增其積滯益其鬱熱是助病而
非除病也。其有疳瀉已久脾胃極虛而不可單攻者當兼
用六神散與肥兒丸相間服之。此攻補兼施活法也。又有
一種母已有孕兒飲孕乳多亦成積熱久亦成疳此病頗

多而古今方論不道及何也然其治法大畧亦同有疳熱盛而成痢者用清熱導滯湯去牛蒡連翹加三稜莪朮有成癍塊者治法亦同須兼用外貼藥交攻之

清熱導滯湯

黃連

條芩

白芍

枳殼

炒

山查肉

各一錢

厚朴

薑汁炒

青皮

檳榔

各六分

當歸

甘草

牛旁子

連翹

各五分

水煎服

疳亦難分冷熱惟有瀉有不瀉耳不瀉者鬱熱無所發洩

故胸腹發熱更甚瀉者鬱熱有所發洩故胸腹不甚熱然亦由積熱作瀉也非冷也此瀉溫之而愈甚清之消之而自愈著書立方者不知何以有冷瘕之名而用熱藥無亦訛謬相承乎

肥兒丸

三稜

莪朮

青皮

俱醋炒

神麩

炒

川黃連

胡黃連

使君子

去殼浸透去皮各一兩

蘆薈

堅櫛榔

香附子

炒

廣陳皮

去白

麥芽

炒

蕪荑

各五錢

南木香

三錢

以上為細末除神麩麥芽另研為細末打糊和前藥為

丸如粟米大二歲以下每服三分五歲以下服五分空

心清米飲下臨臥白滾水下有癖塊加阿魏酒浸研化和入乾

漆炒各七錢

大蘆薈丸治疔蟲蝕脊脊身熱羸瘦十指生瘡頻嚙指甲

蘆薈

蕪荑

青黛

檳榔

黃連各一錢

胡黃連

使君子肉三錢

南木香三錢

蟬退二十四隻

麝香少許研碎

以上為細末猪胆二個取汁浸糕丸如麻子大每服三

十九米飲下

雞蠟丸

治疔積休息痢

用黃蠟一塊如指大入杓內火上鎔化次入生雞子黃
白一個炒熟與兒空心食之

紅花膏

貼癰塊用

水荭花蓼

一捆煎汁去渣熬膏一碗

麝香

阿魏

血竭

各三錢

沒藥

五錢

赤芍

當歸

各一錢

以上為細末入膏內攪勻以青布攤貼患處

腹痛 五

小兒驟然腹痛其症不同有夾熱而痛者其痛多緩或一日只痛數次甚者或自下而痛上痛過一陣則有時不痛良久又痛宜用涼藥加疏利藥治之有感寒夾食而痛者其痛多急連綿少有停止甚者或如刀刺欲吐不吐欲瀉不瀉手足冷面色青宜用升發藥加消導藥急治之外有蟲痛者則煎炙食物香氣則痛宜用苦楝皮史君子等藥以殺蟲則痛自止矣

枳連導滯湯

治熱痛

陳枳殼 去瓢炒

黃連

山梔仁

炒黑各六分

赤芍

前胡

連翹

去心蒂各四分

三稜

莪朮

俱醋炒

檳榔

甘草

各三分

水煎飢服覺熱盛大便秘者加酒炒大黃一錢二分微

利之

升消平胃散

治感寒夾食腹痛

厚朴

蒼朮

小川芎

香附

紫蘇

各五分

藿香

砂仁

白芷

陳皮

各三分

炙甘草

二分

麥芽

六分

山楂

一錢

加羌活防風各三分生薑三片水煎帶熱服

羌活 防風 生薑 水煎 帶熱 服

羌活 防風 生薑 水煎 帶熱 服

羌活 防風 生薑 水煎 帶熱 服

羌活 防風 生薑 水煎 帶熱 服

羌活 防風 生薑 水煎 帶熱 服

羌活 防風 生薑 水煎 帶熱 服

羌活 防風 生薑 水煎 帶熱 服

羌活 防風 生薑 水煎 帶熱 服

發熱 六

小兒發熱多端有感寒發熱有傷風發熱有傷食發熱有
內熱發熱有痘疹發熱有麻疹發熱有驚熱有疳熱以上
諸熱俱可隨症辨認各有治法茲不備載惟內虛發熱其
症難識獨有張季明醫說深得病情今錄于後

醫說云有一小兒感冷身大熱惡寒此有表症用發汗藥
汗出遂涼過一日發熱醫謂表解裏未解以大便秘知之
服四順清涼飲利一行遂涼隔一日又再熱醫云心經熱
未解以小便赤知之服導赤飲遂涼過三日又熱其家無

所措手醫曰脉已平和非病也既發汗又利大小便其見已虛陽氣無所歸皆見於表所以身熱以和胃氣藥如六神散之類加烏梅煎令微有酸味收其陽氣歸內自此全愈又云小兒積熱者表裏俱熱則遍身皆熱頰赤口乾小便赤大便焦黃先用四順清涼飲利動臟腑熱則去既去復熱者裏熱已解而表熱未解也當用發散藥微汗表熱去後又發熱者何也世醫到此盡不能曉或再用涼藥或再解表或謂不可醫誤致天傷者甚多此表裏俱虛氣不歸元而陽浮于外所以再發熱非熱症也只用六神散入

粳米煎服和其胃氣則收陽氣歸內身體自涼此二說發明虛熱妙理最爲明透且此證不惟小兒有之大人亦多有之人多不識遂束手待斃此說直破千古之惑大有回生之功予故揭錄于此以補醫功之缺

四順清涼飲

當歸

芍藥

甘草

大黃

水煎服

導赤散

生地黃

赤茯苓

木通

麥門冬

各等分

燈心一圓水煎服

六神散

人參

白朮

茯苓

甘草

炙

山藥炒

白扁豆

薑水浸
去殼炒

生薑二片棗一枚去核水煎服

痢 七附錄

痢為險惡之症生死所關最重不惟時醫治之失宜而古今治法千家多不得其竅是以不能速收全效今立方何以為竒不泥成方故竒也立論何以為妙不膠成說故妙也且能以數劑而取效于數日內初起者或以一二劑而取效于一二日內此所以竒妙也然其藥品又不外乎常識者無忽

川黃連

條實黃芩

大白芍

生用

山查淨肉

各錢三分

陳枳殼

炒

堅櫛榔

厚朴皮

各八分

當歸

甘草

地榆 各五分

紅花 酒洗 三分

桃仁 炒去皮共碎 如粉一錢

南木香 二分

水煎空心服

此方或紅或白或紅白相兼裏急後重身熱腹痛者俱可用單白無紅者去地榆桃仁加去白陳皮四分木香用三分滯澁甚者加酒炒大黃二錢服一二劑仍除之此方用之于三五日神效用之于旬日內亦效惟十日半月外則當加減法詳于後

川連

條芩

白芍 俱酒炒各六分 生用各四分

山查肉 一錢

製厚朴

製陳皮

青皮

檳榔 各四分

甘草 炙三分 生二分

當歸 五分

地榆 四分

桃仁粉 六分

紅花 三分

南木香 二分

如延至月餘覺脾胃弱而虛滑者用酒炒黃芩六分

白芍 六分

製陳皮

製厚朴

南木香 各三分

醋炒地榆

紅花 二分

當歸

人參

白朮

炙甘草 各五分

以上三方有胎婦人服之去紅花桃仁檳榔

以上方法隨用輒效間有不效者必其初投參朮等補劑

太早補塞邪氣在內久而正氣已虛邪氣猶盛纏綿不已

欲補而澁之則助邪清而疏之則愈滑遂至于不可救療
雖有竒方無如之何則初投溫補殺之也戒之哉

古今治痢者皆曰熱則清之涼則溫之初起熱盛則下之
有表症則汗之小便赤澁則分利之此五者舉世信用若
規矩準繩之不可易予有獨見以爲五者惟清熱一法無
忌其四法則犯四大忌不可用也今詳于後

一曰忌溫補痢之爲病由濕熱蘊積膠滯于腸胃之中清
邪熱導滯氣行滯血則其病速除若用參朮等溫補則熱
愈盛氣愈滯久之正氣虛邪氣熾不可療矣初投溫補之

禍也

一曰忌大下痢因邪熱膠滯腸胃而成與溝渠壅塞相似
惟用藥磨刮疏通則愈若用承氣大下之辟如以清壅塞
之溝壅塞必不可去也徒傷胃氣損元氣而已正氣傷損
而邪氣不除強壯者猶可怯弱者必危矣

一曰忌發汗痢有身發寒熱頭痛目眩者此非外感乃內
毒薰蒸自內達外雖有表症實非表邪也若發汗則耗其
正氣而邪氣得以肆且風劑燥熱愈助熱邪表虛于外邪
熾于內鮮不斃矣

一曰忌分利小便利小便者治水泄之良法也以之治痢則乖痢因邪熱膠滯津液枯澁而成若用五苓等劑分其水則津液愈枯滯澁愈甚遂至纏綿不愈則分利之爲害也若清熱導滯則痢自愈安用分利爲哉

痢有噤口者毒在胃口也用首一方將藥煎熟去滓每一煎分五六次緩緩服之令其胃口毒氣漸開服完一劑後不惟藥可進而飲食亦漸可進矣不必另用他藥也

痘科類編釋義卷之四木集終

跋

類編釋意一書西北方兒醫奉為金鑑久矣
第東南鮮有見者余自燕京攜歸凡遇痘疹
觀形察色按証施治頗應手奏功欲重刊以
廣其傳有志未逮今裴君約齋因嗣孫患痘
為醫者用涼瀉所誤心切痛之後得痘疹慈
航與余叅攷余因出類編全集裴君擊節稱

賞復與余校訂付之剞劂庚午春告竣非特
余欲廣流傳之念得裴君遂其夙願且體凡
為父母愛子之心惟疾之憂者亦可釋然矣
若夫審陰陽辨表裏察虛實臨症變化其書
具在裴君已詳言之不復贅述

古虞培陽陸皞伯瞻跋

